



Inatsisartunut ilaasortaq Naja Nathanielsen, Inuit Ataqatigiit
c/o Inatsisartut Allattoqarfiat
/maani

§ 37 aqqutigalugu apeqqut nr. 111/UPA2014-imut akissut

26-06-2014
Sags nr. 2014-100495
Dok. nr. 1616066

Maajip 20-anni 2014-imi imatut Naalakkersuisunut apeqquteqarputit:

Naalakkersuisut qaqugorpiaq anaanaaqatigiinneq pillugu malittarisassat Kalaallit Nunaanni atuutilerneqassasut naatsorsuutigaat?

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Danmarkimi ataataqarneq anaanaaqatigiinnerlu pillugit malittarisassat børnelovimiipput, tak. Inatsimmik nalunaarut nr. 18 januaarip qulinganeersoq 2014. Anaanaaqatigiinneq pillugu malittarisassat 2013-imi meeqqat pillugit inatsimmut (børneloven) ilanngunneqarput inatsisitigut allannguisoqarmat. Malittarisassat ilaatigut imaraat arnaq peqqissaasumit peqqissaasulluunniit akisussaaffiata ataani ikkussivigitilluni kinguaassaqalersimappat, taava aappariittut nalunaarsorsimasoq, aappaasoq arnaq, katissimasaaluunniit arnaq anaanaaqataasutut isigineqassasoq ikkussivigitilluni kinguaassaqalernissaanut akuerseqataasimaguni meerassarlu taamatut pinngorsimappat. Akuerseqataaneq allakkatiguusaaq aammalu nalunaarummik ilaqassaaq arnap aappaa meeqqamut anaanaaqataassasoq.

Børneloven (Meeqqat pillugit inatsit) Kalaallit Nunaannut atuutilersinneqarnikuunngilaq, taamaattoq Ministeriet for Børn, Ligestilling, Integration og Sociale Forhold (Meeqqanut, Naligiissitaanermut, Akuunerulersitsinermut Isumaginninnermullu tunngasuni Naalakkersuisoqarfiup) ilaqtariit pillugit inatsiseqarneq Kalaallit Nunaanni nutarterneqarneranut atatillugu inatsisip atuutilersinneqarnissaa piareersarppaa, taassumalu ataani anaanaaqatigiinnermut malitaarisassat ilanngullugit.

Tamakku tunuliaqutaralugit maannangaaq oqaatigisinnaanngikkallarparput Meeqqat pillugit Inatsit Kalaallit Nunaanni atuutilerseqqullugu Inatsisartunut saqqummiunneqarsinnaanersoq.

Suliap piaartumik naammassineqarnissaa piaarnerpaamik
suliarineqarneqalersaarpoq, taamaattoq ilimagineqarpoq Inatsisartunut
isummerfissatut aatsaat saqqummiunneqarsinnaasoq siusinnerpaamik
Upernaakkut ataatsimiinnermi 2015-imi.

Inussiarnersumik inuulluaqqusillunga



Aleqa Hammond